

الثوابت الدعوية - الدكتور فريد الانصاري رحمه الله

فريد الانصاري

اما بعد نحاول بحول الله عز وجل في هذا اللقاء المبارك ان نتابع بعض قواعد الدعوة الى الله عز وجل القواعد التي تفيينا في العمل التطبيقي تنزيل ونحوه ندعوا الى الله سبحانه وتعالى - 00:00:01

وذلك انه لابد لكل داعية من بعض القواعد كما ذكرنا من قبل لابد له من قواعد تعينه ينضبط اليها حتى يكون كلامه نافذًا باذن الله عز وجل واصلا الى مبتغاه - 00:00:18

وهذه القواعد منها ما هو ثابت ومنها ما هو متغير وسنقف كلامنا بحول الله عز وجل اليوم على ما هو ثابت. يعني ان الانسان تعاطى للدعوة الى الله سبحانه وتعالى ومشتغل بالهم الدعوي والديني بصفة عامة خصوصاً واحد المجموعة ديال القوانين - 00:00:35

واحد المجموعة ديال اركان ديال العمل الدعوي تكون راسخة في الدين دياله ثابتة في الراس دياله يستعملها دائمًا او في بعض الاحيان وذلك انه هاد الأمور لي نسموها القواعد الدعوية كاين فيها لي هو ثابت دائمًا غادي يلقاها قدامو محتاج ليها - 00:00:57

وكاين اللي كيحتاجها مرة حسب طبيعة هادوك الناس اللي كيكلم معاهem حسب طبيعة العمل ديالهم او الثقافة ديالهم او البلاد اللي ساكنين او البيئة لي عايشين فيها كيختلفوا ولكن بنادم كلو كيشتارك فواحد القضايا ثلاثة على الأقل هادي غادي نرکزو عليها وهذا هو لي مهم هدا المشترك لي يمكن لك تخاطب به العالم - 00:01:17

الكلام دياله كيوصل يمكن لك تخاطب به الانسان القريب والبعيد. يعني اي واحد في اي مستوى في اي مهنة في اي بيئه في اي مدينة الا وهو يمكن لك تخاطبو بهاد النوع ديال هاد الكلام هذا - 00:01:40

هادي ثوابت الدعوة ثوابت ديالها بحال الاركان ديالها والاوتاد ديالها لي واقفة عليهم هاد الثواب او القواعد قلنا ثلاثة د الأشياء ثابتة المسألة لولى اتنا نخاطبو انفسنا او نخاطبو الناس معنا فيما يتعلق بالجانب - 00:01:56

وجود المسألة الوجودية وهاني غادي نشرحها ونبينها بحول الله عز وجل الأمر الثاني نخاطبو انفسنا ونخاطبو الناس معنا فيما يتعلق بإسلامية المسلم او بالصفة الإسلامية الصفة الإسلامية دياله المسألة الثالثة والأخيرة نخاطبوه بالمنطق ديال المنافع والمضار او المصالح والمفاسد. هاد الأشياء بتلاتة كلشي الناس محتاجين ليهم - 00:02:14

جميع بلدان العالم المسألة الاولى اللي هي الجانب الوجودي يعني علاش انت موجود؟ هادي ما كاينشاي اللي ما كتهموش هاد القضية هادي ولذلك يعني كيمكن لك دير موعظة في اي مكان تحرافلك تكلم فهاد الموضوع تقول اشنو قول ما لقيت ما تقول تكلم فهاد الموضوع غادي تصيب الهدف هذا الموضوع ديال - 00:02:40

جميع الأماكن وجميع الأزمنة وجميع انواع ديال بنادم وجميع الجنسيات يكفي انك تعرف شي لغة اخرى تكلم فهاد الموضوع را غادي توصل ما عندوش علاقة هاد الموضوع بالخصوصيات البشرية ولا الجنسية ولا الإقليمية ولا الثقافية ما عندهو حتى شي علاقة بالخصوصيات زعما - 00:03:01

ان هاد الناس يصلح لهم هاد الكلام وهادو ما يصلح لهم هاد الكلام هادا يصلح لجميع الناس ولذلك الله عز وجل كان كيخاطب به الناس كاملين الناس كاملين - 00:03:21

المسألة الوجودية كتعني كيما قلنا علاش انا موجود او علاش نتا موجود؟ يعني الهدف من الوجود ديالك او من الخلقة ديالك فملي كنيداو نتكلمو فهاد الموضوع كيكون الكلام كلو داير ورأيك حول العلة ديال وجود الإنسان فالكرة الأرضية واش هو - 00:03:32 الوجود دياله غير عبث ولا لواحد الغاية مرسومة معينة ثم واش هو غادي يعيش ابدا ولا لابد غتشي واحد الوقت يموت فيها؟ فهاد

المعاني كلها تخلي الإنسان يتशوق يعرف فعلا النتائج ديال الكلام كيتتشوچ يتتابعوه حتى للنهاية ديالو لأنه هو فنفسو واخا عمرو ما تكلم بالكلام ديالو فنفسو كيطرح - [00:03:51](#)

الأسئلة هادي وحتى لما كيطرحهاش تكون غير مفطية نتا كتبشها وهي تتوض تبقي تجي للبال هادي مسألة فطرية فينادم طبيعية خلقها الله فالانسان وهو ان انه الانسان كيخصو يعرف وكيفي يعرف المال ديالو يعني المصير ديالو من بعد علاش ؟ لأنه الإنسان سبحان الله العظيم التركيبة ديالو فيها - [00:04:11](#)

جوج ديال الأنوع مركب من جوج د الأنوع وهاد جوج د الأنوع متناقضين متناقرين وحدة ضد لخري النوع اللول هو البدن ديالو الطين لي تخلق منو والجانب والروح ضد الطين. متناقضين متناقرين. علاش ؟ لأنه الطين فاني. يعني ينتهي. فاني كيفني. والروح - [00:04:32](#)

خالد مكيفناش فإذا بما انه فيه هاد جوج دالنوع هكدا متناقرين لأننا هنا فالحياة الدنيا لي باین لينا وكنحسو بيه ونشعرو بيه هو الجانب الطيني ديالنا هو البدن ديالنا - [00:04:52](#)

لأن هاد الدنيا دنيا الطبيعة ديالها حيوانية يعني بنادم كياكل ويشرب وينعس الطبيعة ديالها حيوانية والآخرة الطبيعة ديالها ماشي حيوان الأخيرة الطبيعة ديالها روحانية فإذا الإنسان ها هو عايش فالطبيعة الحيوانية ديال الدنيا كياكل ويشرب ويخدم ويتمتع ويتزوج الى اخره - [00:05:05](#)

حيوانية عند البهائم كاملين ولكن ماشي من عند هادشي الروح مكيفناش فيه راه كاين داكشي باش هي كون مكان فيه يموت هاديك الروح الناس يا اما راها مغطية عندهم بدارك التراب ديال الطين يا اما انها فايقة والمهمة ديال الدعوة تفيق الروح فالانسان - [00:05:25](#)

ملي تفيق فيه الروح كيولي عندو واحد القلق شنو هو هاد القلق هو الروح محب للخلود لأن الطبيعة ديالو هي الخلود ماشي الموت ماشي الفنانة كيبدا يقلب على وكيفها يعني عايش فواحد القلق من كون البدن غادي يموت غادي يفنى اذن كييفي فعلا يلقي اجوبة اللي تعطيه - [00:05:42](#)

اطمننان بأنه مغاديش يفنى وخا غادي يموت وانه الموت بالنسبة اليه مكتعنيش نهاية الحياة بل هي استئناف وتتجدد الحياة الأخرى ولذلك المنطق الإيماني مقبول عند الإنسان واخا يكفر واخا يلحد يدير لي بغا المنطق الإيماني بصفة عامة مقبول وعنده القبول - [00:06:02](#)

خاص غير لي يعرف يوصلو لا اقل ولا اكتر اذن من بين الأشياء لي تساعدك باش توصلو فعلا للمنطق الإيماني لي توصلو للناس هادي هاد القضية ديال الوجود علاش حنا موجودين - [00:06:22](#)

والحياة ديالنا والغاية ديالنا واخا تشوف بنادم بارك قدامك بحال حجرة كاع ما كيتحرك را داكشي لداخل فيه كيتحرك هادشي ديال الدين يلمس هاد الأشياء داير بحال الشتا كطيخ الشتا وكتبان لك ما تغير والو كدوز واحد تلتيام ولا ربعمام ولا سيمانة - [00:06:34](#) فلرض بدت تنبت بديك الشتا ديال شحال هادي فلذلك حتى بنادم كطيخ عليه الشتا وسير كتقدر ما يبان لك والو ديك الساعة كيقدر بيان ولكن واخا مابيان فيه والو غادي يعطي النتيجة من بعد الا من - [00:06:53](#)

كتب الله عليه الضلاله هذا مكيهمكشاي ولكن واحد الخير كبير في الأمة الإسلامية انها تتقبل الخير المنطق ديال الخير لأن امة مسلمة في نهاية المطاف فإذا مللي كتجدد هاد العنصر هذا ديال الوجود ديال بنادم والمصير ديالو - [00:07:06](#)

تكون شديتو فواحد العروة واحد يعني الجانب منو لي صحيح كتزلزلو وخا يكون الكلام ديالك بسيط بأي لغة بالدارجة بالشلحة باش ما كان راك غادي تأثر بإذن الله عز وجل واحد المستوى معين ديال التأثير - [00:07:23](#)

وبهاد الاسلوب كم من امي امي وغض واحد اكتر منه في العلم وجبدلوا غير هادي كيزلزلو وكيفليه بلا نعاس هادي كيحكيو عليها السابقين حكايات وشفنا فيها تجارب علاش ؟ لأنه هاد القضية حتى واحد ما كبر منها القضية ديال الموت والوجود حتى واحد ما كبر منها تقرأ حتى تشبع وكتبها قضية الموت الموجود فوق منها - [00:07:40](#)

ما كيكونش قضية القراءة والثقافة والعلم شي حاجة اللي واحد خير من لآخر فهاد المسألة حتى واحد ما خير من لآخر اللي خير من
لآخر هو اللي خدام مزيان ان اكرمكم عند الله اتقاكم - 00:08:02

هاد السياق اتقاكم ماشي اعلى منكم ولا افقهكم فهاد النقطة بالضبط والتقوى كيمكن للإنسان امي يحصل منها اشياء كثيرة ومراتب
كثيرة اللي الإنسان العالم ما حصلهاش منها القضية ديار التقوى انما هي تتعلق بخشية الله - 00:08:13

بالغيب كتختلف الله بالغيب وهذا ما يحتاجش للقراءة. يحتاج انك تحرك في الإنسان هاد الجانب الوجودي ديالو. علاش هو كاين له
الخشية والخشووع والتقوى اذن هادي النقطة اللولة هادي ركن من اركان الدعوة الثابتة - 00:08:30

هادي قاعدة مستقرة دائمًا يمكن لك ديرها مقدمة لكلامك لي باغي تكلم عليه يمكن تختم بها يمكن ديرها هي الموضوع
الرئيسي ديار كلامك فينما خدمت بها توصل بإذن الله عز وجل - 00:08:47

وهادي من الأشياء اللي الأمة الآن خصها تحرك فيها ان كان شوف شي جزئية من الجزئيات ولكن هادي هي هادي قاعدة كبيرة
اساسية في الكلام والخطاب الديني ديالنا النقطة الثانية هي الصفة الإسلامية - 00:09:00

لأن ملي تكلمنا على القضية الوجودية ديار الوجود ديال الدنيا فالدنيا مازال ما وصلنا الإسلام هنا كانتكلموا غير عالوجود حياة الموت
الخلود والفناء ماكانتكلموش عالإسلام ديك الساعة بالتفاصيل ديالو لأن شنو هو الإسلام؟ هو الصلاة والصيام والزكاة هي الأعمال -
00:09:14

اذن كنجيو عاود للإسلام هادي نقطة ثابتة حتى هي لأن كنتكلموا مع المسلمين وحتى ايلا تكلمنا مع الكفار خصنا الإسلام ماشي يآمن
ويبيقي في الهواء خصو يآمن ويدخل للدين والا راه بقى في الخلا الإسلام الصفة الإسلامية شي حاجة اللي هي أساسية الناس الآن
ماواعيinش بالمعنى ديار كونهم - 00:09:30

راه خصنا نفيقو هاد المعنى في الناس نفيقوه فنفوسنا ونفيقوه فغيرنا كيقولو مسلمين وكفى يعني مسلمين بحال داك الشكل ديال
الوراثة دالحالة المدنية فلان بن فلان وكفا لقى الناس هاكا هو هكا وهذا ماشي معقول نهائيا وماشي هذا هو الاسلام في الحقيقة -
00:09:50

الجوهرة ديالو الإسلام هو واحد الوعي بالإنتماء لدين معين والوعي زعماً كتفهم بأنك نتا من واحد الدين معين كتحس بلي راك القلب
ديالك ديالك كيجربي فيه هداك الدين ولو ان هاد المعنى حصل للناس لي كون لقيت الجواب ديال المغرب مكافيinش الناس فجميع
الاوقات وجميع الحالاتولي كون لقيت - 00:10:05

مفاسد المناكر مكيناش في البلاد وجود المناكر والمفاسد بالأشكال ديالها المرعبة والرهيبة دالة على ان الناس مامدوقيinش اش هو
الإسلام عارفين عارفينو معرفة عامة وصافي محاسينش بيه مكيجريش فالقلب ديالهم وفالدم ديالهم ولذلك خصنا نفيقو هاد المعنى
هذا يعني الناس را حنا - 00:10:25

مسلمين والمسلمين هاش كيقتضي راه ماشي معقول مسلم مكيصليش راه مقبولاش مكيناش مكيناش في المنطق ديال الدين
وخصنا نفهمو ونفهمو الناس بأنه راه انحراف على الإسلام يكون الإنسان مكيصليش في الإسلام - 00:10:45

او ما كيزكيش او ما كيصومش او ما حجشاي او عندو القدرة بش احج يعني اركان الإسلام بصفة عامة اللي كتسمى امهات الفضائل
وما يتفرعون الفروع ديال امهات الفضائل بحال الأمانة مثلا - 00:10:59

من مقتضيات الصلاة الأمانة لي كيصللي ويفيهش الأمانة صلاته ناقصة لأن من مقتضيات الصلاة الأمانة الأمانة والبر والإحسان والخير
كلشي هداكشي كيتسمى من مقتضيات الصلاة من معاني الصلاة من معنى من معاني الصلاة ان الصلاة تنهى عن الفحشاء والمنكر اذن
كون الانسان - 00:11:13

مسلم خصها يعني تحقق فعلاً ونخدمو باش يتحقق داكشي اللي قدرنا نخدمو فيه اذا يوعي الانسان بأنه موجود باش يؤدي دور في
الدنيا معنى الوجود موجود لاش؟ يؤدي واحد الدور رسالي يعني عندو رسالة في الحياة ماشي غير موجود باش يأكل ويشرب بحال
البهيمة حتى يموت هادي ديال البهائم ولكن بنادم - 00:11:33

موجود باش يؤدي واحد الدور فالحياة ديالو دور عالي ورفع ثم هو موجود بعد ذلك بصفته مسلم اذن خصو يحقق الصفة الإسلامية فيه ويراقب الإسلام ويراقب نفسه. واش بحال بحال ولا كاين فرق كبير - [00:11:54](#)

الى كاين فرق كبير قلب على الفرق بينو وبين الإسلام والإسلام بسيط ماشي شي حاجة مamente تالفه قال فأخبرني عن الإسلام قال ان تشهد ان لا الله الا الله وان محمد رسول الله وتقيم الصلاة - [00:12:09](#)

وتؤتي الزكاة وتصوم رمضان وتحجج البيت ان استطعت اليه سبيلا. هذا الاسلام وله فروع عنده واحد الاشياء ممتدة عليه حنا قلنا الصلاة ما زال من المعاني الخير والإحسان والبر والأمانة وكذا الى اخره - [00:12:19](#)

كل حاجة عندها معنى من المعاني ديالها اللي كتفرع عليها يتبع الإنسان اذن المعاني ديال الإسلام يتبعها ويتحققها فنفسه وفالناس ويخدم عليها باش ترجع لأن ضاعت في اغلب احوالها واكثر اشكالها - [00:12:34](#)

النقطة الثالثة والأخيرة لي خصها تكون مضمون ديال الخطاب ديالنا الكلام ديالنا خصها تحضر فيه هي قضية المنافع والمضار او الخير والشر هي الثالثة كترتبوها هادشي راه مرتب يعني كل وحدة اللي رقم واحد راه واحد وتنين راه تنين وتلاتة وللي تلاتة متصلاش تكون اتنين ولا تكون واحد - [00:12:47](#)

قضية المنافع والمضار يعني المنافع ديال بنادم لي حاجة لي كتنفعوا والحاجة لي كضرو هذا منطق خصنا نتكلمو به مع الناس تا هو علاش؟ لأن بنادم كيقلب على اللي تنفعوا - [00:13:07](#)

بطبيعتو وكيخاف مني كضرو خصو يفهم بأن الدين راه كينفعو وبأن قلة الدين راهما كضرو ماشي غير في المعنى ديال الآخرة لا معنى ديال الآخرة هو الإسلام تكلمنا عليه هادي في - [00:13:19](#)

ديال الدنيا يعني كون الخمر مثلاً مضر للبدن خصو يفهم هادشي كتزيدولو على المعنى الوجودي والمعنى ديال الإسلام الصفة الإسلامية وتزيدو هادي لا راه الدين ماجاش غير باش تعيش به في الآخرة وكذا جا الدين باش تعيش به حتى في الدنيا - [00:13:31](#)
وان جميع اشكال الفساد من خمر وزنا وعرى وكل الاشكال والخيانة الزندقة والإلحاد كل الأنواع ديال الفساد المتضرر الأول منها هو اللي فيه هداك بنادم اللي فيه هو المتضرر رقم واحد بها - [00:13:49](#)

كيضرر بها هو والمحيط ديالو اذن هذا من من الحمق ومن قلة العقل انه الانسان يكون غادي فهاد الاتجاه الانسان كينتتحر ببطء ثم ملي كيدين راه كيكتسب صالح في الدنيا من قبل الآخرة عندو سكينة - [00:14:06](#)

ديال النفس عندو راحة عندها طمأنينة عندو توازن ديال الشخصية ديالو مقاد ومرتاح طيح عليه حجرة مدير لو والو يعني كنقصد حجرة من المصائب عافانا الله واياكم كيبيقى ثابت لأنه مرتبط بالإيمان بالله عز وجل مرتبط بالإيمان بالقضاء والقدر مرتبط بأنه ما ضرو الا اللي ربى تعالى كتبها عليه وما - [00:14:23](#)

فيه من المنافع الا اللي ربى تعالى كتبهالو كيرتاح كيحصلو واحد النوع ديال الراحة كتوجدو مثلاً قلة الایمان في اوروبا عند النصارى بصفة عامة وحتى عند المسلمين اللي كيشبهو النصارى في الطبيعة ديالهم عندهم الظاهرة ديال قلة النعاس منتشرة بزاف - [00:14:44](#)

كينعسو بالكينة الاولى ما يديهش النعاس عاود يأكل الكينة الثانية ما يديهش النعاس الثالثة ما يديهش النعاس الرابعة الخامسة كيموت بالكينا عداد وقع لهم هاد المصيبة هادي ديال هاد الكناية - [00:14:59](#)

كيدا يأكل الكينة حتى كيتسم بديك الكينة وكيموت بينما كتشوف الإنسان المسلم راه مليون فالزنقة غير يكفي انه جيوبو يكونوا مقلوبين ما عندو والو نعاس كينعس بنادم المسلم فالكار وكينعس - [00:15:11](#)

فيئما لقيتو تلقاء ناعس رغم انه يعني الدين او التدين ديالو ضعيف غير ديك البركة ديال الایمان فداك الشكل المشوه المعول كتكفي باش تعطيه واحد الحقنة بحال واحد ليبرا ديال السكينة والراحة والطمأنينة - [00:15:25](#)

بين الطبيعة ديال المجتمع الإسلامي بهاد الشكل المعوج والمجتمع العربي بصفة عامة باقي نذكر مزيان كت فواحد البلاد العربية سودان وجا واحد الامریکي مسلم لتما كان شي مؤتمر تما وجا وخرج وجاب الناس السودانيين ناعسين في الزنقة لانه بلاد ديال

الحرارة هوما كينعسو بزاف - 00:15:40

بحال الصحراوي ينعنوس في السطوح والغير كيفرش قندورة ولا عباية وتجبد فوقها وهو ناعس هو جا كانت فشي يعني
داك المؤتمر فيه بحال الدوا بحال شي دراسات داكيشي ملي جينا لواحد - 00:16:00

يعني دول او الحلقة من الحلقات ديال المؤتمر شتي هو الكلمة قالهم درت فالشارع ديال العاصمة الخرطوم بنادم ناعس فيما لقيتو
واحد وانا ندور ما سمعتشاي الصوت ديال الطوموبيل ديال البوليس غادية كتفوت قال لو فنيويورك مثلا كل ثانية اسمع واك واك
واك يعني - 00:16:14

الدنيا إرهاب وخطر وطارى ربيعة وعشرين ساعة على ربيعة وعشرين ساعة وفأي وقت من اوقات الليل معندوش الأمن معندوش
الطمأنينة معندوش الساكنة بقلة الدين السودانيين مزاليط معندهم مياكلو يعني كاع داكيشي لي متوفر فأمريكا ناقص عند السودان -
00:16:35

السوداني عندهم حاجة وحدة مسلمين صافي وهذا يعني في البلاد العربية والاسلامية كلها الحمد لله اذن هاد المنطق هذا راه مفيد
جدا باش نحييه في نفوسنا ونجيده في الناس. راه الدين عندنا فيه منفعة وعندنا فيه مصلحة - 00:16:55

نبنيو بيه الأسر ديالنا والأعمال التجارية ديالنا والوظائف ديالنا كلشي تبني على الدين كترتاح ويرتاح لي عايش معاك فإذا هاد ثلاثة
ديال الامور قواعد ثلاثة بهاد الشكل خصها تكون يعني ثابتة حاضرة في الخطاب ديالنا الدعوي - 00:17:12

باش كيتكون عندو ثماره ويكون عندو تأثير ماشي ضوري يعني العبارات تكون بهاد الضبط هادا ولا انا قلت العبارات والكلمات ماشي
ضوري ولكن دوزو فالكلام ديالك بشكل او آخر باش تستطيع بإذن الله عز وجل تحدث واحد التأثير فالمتلقي لأنك كتخاطبو -
00:17:32

لب ديال المسائل لي هو عندو نقص فيها. او مكابينش لي معندوش نقص فيها. هادي دائمًا فيها النقص. المسألة الوجودية يعني يعني
داك التفكير ديال الإنسان في الحياة والموت بنادم يحتاج لو ديمًا حتى يموت ديمًا محتاجين لهاد الكلام وديمًا محتاجين لهاد المعنى
ولذلك لقينا القرآن - 00:17:52

غلب الصور والآيات والأساليب كيركزو على هاد القضية هادي بالضبط قضية الحياة الموت الآخرة. من سورة الفاتحة حتى قل اعود
برب الناس. ممتد هاد المعنى طول القرآن الكريم. اي انه يحتاج لو بنادم قاري ما قاري - 00:18:12

تاجر او متقي صالح او طالح. واخا يصل بنادم في الصلاح والتقوى والفالح قداش ما يبغي يصل دايما يحتاج لهادشي. التذكرة
الاخروية تذكرة بالآخرة بالموت والحياة والمصير هي اللي كتسميه المسألة الوجودية الإنسان مسلما كان او لم يكن مسلما في حاجة
دائمة مستمرة الى هاد المعنى - 00:18:28

بأي شكل قدرت والإسلام حتى واحد ما يقولك انا كملت الإسلام عندي كمل الصلاة دايما يحتاج تبقى تحسن وتصح فيها الصلاة
دائما محتاجين نصحو ونحسنو نرقيو ونجدو كل الأعمال ديال الإسلام الصلاة الصيام الزكاة الحج دايما كتحس بأنه خصك تزيد
وخصك تزيد تحك هداكيشي وتصلو مزيان - 00:18:49

وكذلك المنافع تا واحد ما كيشبع منها عمر شي واحد ما يقول لك راني شبع من فلوس الدنيا ولا من الراحة ديال الدنيا والمنافع
الدنيوية حتى واحد ما كيشبع منها - 00:19:13

لو كان لابن ادم واد من ذهب ابتنى اليه ثانية ولو كان له واديان لابتنى اليهما ثالثا ولا يملأ جوف ابن ادم الا التراب طبيعة ديال بنادم
انه طماع هكاك خلق الله - 00:19:23

انه لحب الخير لشديد. الخير كييفما كان كل انواع الخير. خير المال وخير ولدي وخير الطعام والشراب وخير السكن خير الدنيا كلو
بنادم محبول ومطبوع عالمحة ديالو حب الخير شهيد. يعني هو معترف بداكيشي وما يمكنش ينكرو. اللي نكره كداب. اذا كتلقى بأن
هاد - 00:19:45

الخطاب هاد الكلام هذا متجدد ديمًا جديده عمرو ميقولك ايوا هادشي قديم لا ديمًا جديده هادشي هدا ديمًا جديده لأنه بنادم ديمًا

خاصو هاد الكلام هدا فإذا الموعظة احد امرین يا اما انك كيكون يعني القضية ديالك هنا بالضبط او شي حاجة اللي كتعلق بها الى هنا بالضبط را كتكلم بهاد - 00:20:26

ولا شي حاجة كتعلق بها بحالاشه مثلا بحال للاحضت واحد الانحراف فواحد وضع معين وبغيت دير معينة فداك الانحراف بالضبط مثلا لقينا واحد قوم اسرة او مؤسسة ولا كذا فيها واحد المشكل ديني جزئي سرقة او - 00:20:45

تهاون ما يمكنکش تجي لهداك المرض بالضبط وتبدا تكلم عليه بودو ما يوصلش وما يعطيش النتيجة باش تكلم عليه تكلم على هاد الأمور لي دازت عل الأقل وحدة فيهم باش دوز الخطاب ديالك لآخر باش يوصل لأنه القلب لي ينحرف علاش انحرف - 00:21:05

منحرف الا لأنه تغبر بقلة التذكرة تتجي نتا وتكلم معاه على واحد الصلاح جزئي ما يسمع لكش خصل تشطبوا بعدا من ديك الغبرة باش تشطبوا بديك الغبرة تحيي فيه هاد الأركان بتلاتة - 00:21:28

كل وحدة فيهم تعاود تجدد القدرة ديالو للسماع كتجدد القدرة على التقاط معاني الخير. ملي كتجدد فيه ديك القدرة وكتأكد بلي راه ولی يلتقط كتصيفط لو ديك الساعة الكلام وباذن الله تما يعطي الثماره ديالو ويعطي النتيجة ديالو - 00:21:42
مازال كندر واحد المثال من الأمثلة العجيبة كنت قلتها للإخوان من قبل فمصر فمدة هادي كنت قريتها فواحد الكتاب كانوا شي ناس صالحين كيتحاكمو من المحكمة هادشي فتاريخ قديم يعني - 00:22:01

اربعينات المحكمة وجا المحامي المحامي هادا يقولو لو سعيد رمضان كان جا للمغرب رحمه الله رحمه الله سويسرا ماشي سعيد رمضان البوطي واحد اخر مصرى. جا هو المحامي. ما دارش المرافعة ديالو بشكل قانوني بداك الشكل اللي يعني هادو ما داروش والقانون كيقول - 00:22:16

وهادوك تعديت عليهم وها الفصل لا ما نتكلمش كاع فهاد الموضوع ولا يتكلم عالآخرة بحالا كيدير الدرس فالجامع كانوا شي ناس تما صالحين في المحكمة حباب وقرب دوك الناس لي كيتحاكمو بدوا كيتقطعوا كيقولو وا هاد المحامي هدا واش مخربق؟ شو حنا في الجامع راه يدير موعظة خصو يدير المرافعة ديالو ا صاحبي - 00:22:36

الوقت لي راه كيضيع هادشي لي فهو هوما وهو كيدير هو فالحقيقة كاين كيشطب القلب ديال القاضي باش يستقبل بعد ذلك نرفع الجلسة ثم من بعد حكم على المتهمين بالبراءة وقدم استقالتو من القضاء وانخرط مع ديك الجمعية ديال دوك المتهمين هدا هو - 00:22:52

مستشار ديال المحكمة امن الدولة ديال مصر فصار واحدا من الاسلاميين دياول مصر. بسبب مرافعة وحدة ديال سعيد رمضان الله يرحمه فإذا كنقول هاد الخطاب اللي كيمس عروق ديال القلب وكيفي ويقيق داك العنصر لآخر اللي قلنا مركب فينا هو - 00:23:15
الروح كتقوى الروح على البدن وينتصر حينئذ المؤمن للجانب الروحي على حساب الجانب المادي او الطين منه وذلك او الباب الواسع للتوبة الى الله عز وجل اقول قولي هذا واستغفر الله لي ولكم والسلام عليكم ورحمة الله - 00:23:35

اولا بعدا نتكلمو على القضية ديال كون يعني واش الإنسان الأمي الجاهل قادر يتكلم فهاد الموضوعات حنا قلنا نعم قادر يتكلم فهاد الموضوعات ولكن كيمكن يعني نتائج سيئة ماشي بسبب انه كيتكلم فهاد الموضوعات لا بسبب انه مكيطبقش - 00:23:52
قواعد مزيان وانه كيخرج على الموضوع ديالو هذا هو السبب الرئيسي فهاد الانحراف اللي كيوقع وانا نقولك اشنو كاين باذن الله اولا كاين عندنا القضية الاولى وهي انه كيف يكون قادر يتكلم فهادشي هادشي ماشي - 00:24:09

ماشي قرایة. الموت ماشي قرایة الموت حقیقة وجودیة يعني كلشي الناس عندو اليقین بأنه غادي يموت وكلشي الناس كيعرف الموت من حيث أنها منظر كيشوفو دائمًا وكلشي الناس خايف من الموت كل هاد المعانی كاينة وما كاينش اللي يقول لك ما خايفش كاع مية فالمية من الموت ما كاينش لا وجود له - 00:24:23

كلشي الناس خايفين من الموت ولو كان هذا الرجل ورعا صالح الله تعالى فشي حديث قدسي دكره سيدنا محمد عليه الصلاة والسلام المعنى ديالو انه يقول الله تعالى فيه ما ترددت في شيء تردد في قبض نفس عبدي المؤمن هو يكره الموت وانا اكره

هذا العبد المؤمن الصالح الوارع هو كيكره الموت وربى تعالى مباغيش يآديه ولكن خصو يوموت لأنه قدر سيدنا موسى في الحديث الصحيح جا عنده ملاك الموت جمع معاه بطرشة يعني هادي فترة فبنادم. علاش هادشي فيطرة بنادم ؟ حنا قلنا علاش ؟ لأن فيه الجانب الروحي الروح خالدة ما كتبغيش الموت. البدن - 00:25:05

خصوص يوموت ولكن بما ان البدن فيه الروح والروح مخصوص يوموت هداك الجانب الروحي فيك كيتور مباغيش نموت فإذاً هدا مستوي بنادم ما عندوش علاقة بالقراءة هادشي غير جبد هاد الموضوع قضية الموت بوجود الحياة بنادم كيتأثر - 00:25:25
كيتأثر يعني بدرجات مختلفة واخا يكون الواقع مقاريش غير يتكلم فهاد الموضوع كتلقا لي قاري جالس حداه يعني بذات عنده يمكن داك الدرس بالألفاظ وبالشكل لي راه يديره الأمي ماشي هو لي راه كيتأثر مباشرة نفس داك القاري لا يمكن توقع واحد الظاهرة وهو - 00:25:42

يجبد الموضوع لآخر كيبدا يدير الدرس فراسو. هداك لي قاري كيبدا يجبد الموضوع فراسو. ويدير الأسئلة لراسو خدام مع راسو ولكن شكون السبب ؟ لي جبد الموضوع اذا هادي قضية ديار الموت والحياة والطبيعة ديار الوجود ديار الإنسان في الأرض القضية الأخرى الإسلام الإسلام هو اللي كيسميوه العلماء المعلوم من الدين بالضرورة - 00:26:02

من الناس بضورة الشهادتين في الإسلام ضرورة الصلاة في الإسلام والزكاة والصيام والحج متساوي هذا كيسميوه ما لا يسع المسلم جهله يعني بصفتك مسلم ما عندكش الحق ما تعرفوش. ماشي بصفتك قاري لا بصفتك مسلم. والديك ملي ينبت الولد في البيئة دياهو في الأسرة وهو صغير صافي هادشي كيتعلموا مع الكلام - 00:26:22

على اللغة فيما يتعلم الدارجة ويتعلم الكلام باش كيعيش ويتعلم يأكل ويتعلم ينعش ويدير جميع الأمور الحياة دياهو وكيتعلم هادشي هادا هادا ما كيتعلموهش الناس فالقراءة سير لواحد عمرو ما وطى فالمدرسة غادي تلقاء كيعرف هادشي هادا وكيف يعرف الخير وكيف يعرف الشر - 00:26:42

كيف منطق الخير اش هو ؟ منطق الشر اش هو واي حاجة قولو هادي حقو ولا باطل نقولك او دي هادي باطل ولا يقولك هادي حق فالأمور الكبيرة كيتسنى امهات الفضائل وامهات الرذائل العلم بها مستوي لدى الناس لأن داير بحال الشتا ملي كطيح - 00:26:57

تا العمى كيحس بها ها كطيحلو فوق ضهره واحد الحاجة اللي عامة فالناس كاملين القضية ديار المنفعة والمفسدة هادي قضية فطرية هادي يعني انسانية فالإنسان الله تعالى لما تكلم عليها تكلم على الإنسان ماشي على المسلم - 00:27:13

كما قال الله عز وجل وتحبون المال حبا جما. كاملين ما كانش كيتكلم على المسلمين على بنادم كاع كامل. فاذن بنادم تقولو هادي كضرك وهادي كتنفعك كيقلب على اللي كتنفعو وكيرد البال ملي ضرو فيقو فيها - 00:27:30

ثم يعني هاد الأمور ديار السكينة والراحة والطمأنينة شحال من واحد قاري كيشوفها فواحد مقاري كيلقاء مهني ومرتاح كيغبطو كيحسدو كيقول يعني الراحة والدنيا يعني كتلقاء مجموعة فيه شحال من بلية من بلد الدنيا مقاريش وما عنده فلوس بلايا الدنيا كاملة مجموعة فيه - 00:27:57

اش عنده الإيمان بداكشي الأمي العالمي اذن هذا خطاب خدام حتى هو مع جميع الناس. علاش ما كينجحش في بعض الحالات ؟ ما كينجحش في بعض الحالات هو ملي كيولى الواقع لي ما مقاريش - 00:28:18

الشغل كيبدا يسحابلو كيغلط فراسو كيسحابلو راه قاري كيبدا يتحول من الواقع امي الواقع المثقف ولا الواقع علي ويبدا يدير الشغل اللي ماشي شغلو كره عباد الله فيه نكره عباد الله في الدين ونكره عباد الله في الموعظة مدخلش في الموضوع لي ماشي سوقك - 00:28:32

واحد النهار باقي نذكر هادي مشاهد عديدة متواترة شفتها باقي نذكر كنت فواحد المدينة من قبل المحمدية وواحد دخل يدير الناس الموعظة فواحد الليلة اول حاجة بدا بها بدا الكارو حرام واحد العدد ديار الناس مسطرين حداه كيدخنو - 00:28:48
ما مشاش يشطب القلب بعدا كيما قلنا كيما دار داك المحامي. مشى للقارو نيشان حرام. او بقينا نديرو ركن التعارف دفلان نتا فلان نتا

قال لواحد انا عبد النبي. قال لو يا اخي هاد الإسم حرام - 00:29:01

هادي سميتها قلة الادب وقلة الحيا بعدها واحد ثانياً كتزيد تغلقو هو مذكرم كتزيد طرقو. باش عمرو ميتحللك وسبحان الله تم دار فيه واحد المعلم معلم مقاريش الدين المعلم كيقري الحروف قالو الفقيه الكارو حرام باش حرام؟ بدا يخربق؟ بدا يخربق صافي لأنه باش حرام خصك علم صحيح ماشي ساهل بالمعقول - 00:29:11

واعرة ما واعراش ما يجيش واحد العالم صحيح قد الجبل هو الإمام الشوكاني ويقول لينا الكارو حال ما يغلطش فيها ما غلط فيها الشوكاني الا لأنهاولي حرمها من العلماء بحال القرضاوي محررها الا بشق النفس يعني الاستدلال عليها باش تجيب الدليل على ان حرام صنعها صنعوا حرفة اذن لي الواقع - 00:29:39

كيدخل فالشبوط اللي ماشي شغلو غادي يكره عباد الله فالموعظة يكره عباد الله فعلا في موعظة فإذا انت كدير موعظة في الموت كدير موعظة في الحياة كدير في موعظة ان الإنسان مخلوق ربى باش يبدأ يلعب بقا تما - 00:29:59

ماتجدهش الفتوى الصنعة ديال ماليها اودي سمح ليها انا غير كندر نفسي او كندركم هاد القضية رسولو عليهما العلماء انا ماشي علي وكتسلك وكتواضع لدوك الناس والناس يزيديو يحبوك ويقبلوك فراه الغلط الكبير والمشكل الكبير لي كيوقع في الجھال لما يديرو - 00:30:14

انهم كبيداو يدخلوا فالشغل اللي ماشي شغفهم الشيطان سنتدرجهم من حيث لا يعلمون كيجي الشيطان باغي يخسر لو شغلو اش كيديرلو كيبدأ ينفعو قوله شوف الناس تصنتو ليك ايوا راك واقيلا لا فقيه نيت بصح ويبدأو مرافقين هو ماشي فقيه وكيدا يدير الشغل ديال الفقيه را هادي هي المشكلة الكبيرة لي عند الواقع - 00:30:35

نعرفو الناس كاين اللي بعلو وكدير موعظة ويحبس فيها وكاين اللي كيغلط كيرد راسو فقيه كيكرهو الناس والله اعلم اللولة يكون صالح هادي ضرورة ضرورة منقولوش ورع ورع بزاف عليه - 00:30:55

ماشي زعما بزاف علينا يمكن يكون لأن كاين الورع وكاين التقوى. الورع شي حاجة كبيرة التقوى هو المعدل التقوى خصو يحصلو الإنسان اجتناب الكبائر هذا هو التقوى. اجتناب الكبائر والورع هو اجتناب الشبهات - 00:31:10

الصالحين كيقولو اني اضاع اني اترك عفوا بيني وبين الحرام ستة من الحال ولا احرمها بحال الحرام مثلا راه هو من داك حيث لهيه انا ندير واحد ثلاثة ميترو بيبي وبين داك الحيط منزطمش فيها. هاد ثلاثة ميترو لي بيبي وبين الحيط حال ولكن مندوش فيها لأن كنخاف نوصل لحدا الحرام - 00:31:25

غانطوح فيه كانراعي حول الحمى يوشك ان يقع فيه كاتجي وكاتقولو اودي شوف رد بالك هاد الخفت راه هو الفاصل بين النار والجنة اسيدي انا باغي نمشي غير فوق هاد الخط - 00:31:45

اذن هذا انه كيكون مضطر حينئذ للتزام التقوى يعني اش هي التقوى؟ كيرد البال يحضي راسو فإذاً التقوى ضروري مناقشو هش كاع والورع بنادم يجتاهدلو يعني يدير النية ديالو وربى تعالى يكمel علينا وعليكم كاملين باش الإنسان يحصل فعلا هاد المعنى ديال الورع - 00:31:57

طيب اذن بعد التقوى هذا شرط انسان يأتي المنكرات وبعد الناس هذا غير معقول اطلاقاً تما ما عليه الا الدمار هو والاعمال ديالو والعياذ بالله الأمر الثاني ديال يعني الثقافة - 00:32:15

اول شيء خصو يتعلم لو شي بركة القرآن وهي برقة الحديث قبل ما نجي نقرأ الكتب وخا غير ايات قليلة غير شي سور قليلة ولا ايات قليلة راه يخدم بها حياته كاملة قداش ما بقى لو الوقت وقد يزيد شوية - 00:32:28

را اللي حافظ قل هو الله احد راه يدير بها الموعظة حياته كاملة وما تسائلوش الموعظة ديالو الى كانت عندهو النية الصالحة راه كل مرة ربى تعالى يفتح عليه ببركات من بركات قل هو الله احد وقداش ما زاد ما عنده الا الفضل شوية ديال الحديث هاديك الأربعين النووية راهها - 00:32:43

فيه حتى يموت حتى يموت حياته كاملة الأربعين النووية هي كدا وربعين حديد بجوج وريقات لا اقل ولا اكثر اذن هذا حد ادنى

كافي وزيادة المجال ديال العلم. واللي ربى تعالى فقه وعاود فالعربية وعندهو وقت شوية مرة مرة وقرأ مرة شي كتاب ولا شي حاجة راه مزيان. قداش ما زدت تعطي اكتر - [00:33:01](#)

الحمام تا هو الى ماكلة ما يقدر ي Zinc والادو لابد مرة يأكل المسألة الأخيرة لا يتدخل فيما يعني هي هادي لي كنا يدخل في الحاجة لي ماشي سوق ولا مجدهاشاي المقام ولبي معرفههاش لي معرفههاش ميدخلش فيها طلاقا - [00:33:21](#)

اي والله اعلم واخا متافقين هو فرق دابا الخوف من الموت ماشي هو فيه جوج ديال الامور كاين الخوف من الموت من حيث يموت والخوف من ما بعد الموت الخوف مما بعد الموت الإنسان الصالح - [00:33:36](#)

كيفل الرجا فالله يغلب الرجاء في الله عندهو الخوف هو الرجاء كيبدأ خايف لأنه ما يطمئن مزيان تحيط رجلو فالجنة فإذاً كيبقى يخاف من جهنم ما حدو ما ضمن الجنة كيخاف من جهنم - [00:33:51](#)

ولكن اذا عند ظن عبدي بي الا ظنيت في الله الخير ما عندك غير الخير فدایما الرجا في الله غالب في الدين هذا فيما بعد الموت ولكن الموت كحداث هو اللي - [00:34:05](#)

انا قبيلة ما نتكلمش على ما بعد الموت. لأن مني نتكلمو على الكفار ما يمكنش الكفار تقولو الجنة. هو ما عندهو جنة ما كيآمنش بها كاع. ولكن يآمن بالموت بسيف عليه امن بالموت. لأن غادي يجي فواحد النهار. فالموت - [00:34:15](#)

انا ولد قبيلة مشترك ما كاينش اللي ما غاديش يموت وما كاينش اللي ما عارفههاش وماشي ما عارفههاش ما عندهوش اليقين بها كلشي البشر عندهو اليقين هادا هو اليقين اللي مقادين فيه - [00:34:25](#)

كاملين اليقين ديال الموت كلشي غيموت هادي غير الموت كونك غادي تحول من عالم العالم وهاد البدني ولبي تراب هادي مكاينش لي مكيخافش منها لي قال مكيخافش منها كيكتب على راسو كلشي كيخاف منها - [00:34:35](#)

واحد الحالة حالة وجودية غريبة يعني كتزلزل بنادم ولف هنا حياة وولف ولادات وولف حباب وولف خوت على سيدنا محمد ما بکاش على سيدنا ابراهيم ولدو الموت كان كيقول النبي صلى الله عليه وسلم اللهم هون على سكرات الموت وان للموت لسكرات وبنتو كتبكي حداد وهذا سيد الاولين والاخرين - [00:34:47](#)

ولكن ما رفداي الهم لداكشي اللي مور الموت كتقولو بنت واكرياه عليك يا ابتهه كيقول له ولا كرب على ابيك بعد اليوم غير دابا البصلة هي هادي دابا غي دوز هادي راني تهنيت فالموت اذن كحدث مشكل - [00:35:11](#)

واعر. نطلبوا الله تعالى يسهل علينا وعليكم. المسلمين اجمعين. ولذلك له اثر الله اعلم هداك الإنسان لي كيتحار مزيان هدا سؤال مهم جدا حتى شي واحد مكيتحار او كيكون فحالة طبيعية عادية اطلاقاً للإنسان سبحان الله - [00:35:26](#)

سلف اطره على حب الحياة. فترة فيه طويعة فيه ومحب للحياة والدليل على ذلك ان بنادم عندهو داك اللي كيسميوه رد الفعل رد الفعل التلقائي الى نغزاتك شي حاجة كبير هاك - [00:35:41](#)

هادي فترة بنادم الى شفت الحياة كتخاف منها اذن كيشوف بنادم الخطر الحقيقي ويتحقق بأنه خطر او واخا يكون خطر وهمي ولكن هو بانلو خطر كيخاف فإذا بنادم يرمي راسو فحافة ويموت - [00:35:56](#)

شي حاجة مبقاش عندهو مقادة شي حاجة طاحتلو شي شي مسمار فالموطور ديالو مبقاش خدام ولذلك لا ينتحر فعلا الا انسان اللي وصل والعياذ بالله اليأس واليأس القاتل صفة من صفات الكفر انه لا ييأس من روح الله - [00:36:11](#)

ويلا وصل بنادم لهاد اليأس والعياذ بالله كيمرض مكيبيقات طبيعي ويتحر فالله تعالى نها عن اليأس لأنه قد يؤدي الى الإنتحار ولا تيأسوا من روح الله لأنه تيأسستي تتسد غادي تعمي وما تبقى - [00:36:35](#)

تعرف بلـي ضرك مني تنفعك بحال بنادم لا قدر الله الله يستر كيتدخل صافي مكيعرف اش كيدير فربـي تعالى هناك عـلـ الحاجة لي تغـيب لك العـقل ديـالـك الىـ شي واحد رـمى - [00:36:55](#)

راسو فحافة وهو مضروري شارب المـخدـرات يمشـي لـجهـنم ما يقولـوش اوـدي رـاه كان العـقل ديـالـو غـايب لاـ ولكنـ شـكونـ ليـ غـيبـ العـقلـ ؟ـ نـتاـ كـتـقلبـ عـلـيهـهاـ تـاـ مشـيـ تـشـرـطـ المـخدـراتـ اوـ غـاـ بـعـقـلـكـ اوـ تـيـحـطـ رـاسـكـ فـكـذـلـكـ اليـأـسـ رـاهـ مـخـدرـ منـ المـخدـراتـ - [00:37:05](#)

كيأس كيأس تيوصل لدرجة يعني الإنغالق كيفقد القدرة على التمييز وكيدا يتصور وهم انه الموت عنده فيها وكيمشي للراحة ديا لو هو مشى والعياذ بالله غي للعذاب ولا يكون جاب الله اللي يبصرو وتبصر كيفيق من القلب كيلقى راسو راه كان غالط غلط كبير فلذلك - 00:37:19

عمر المنتحر مكينونش فحالة طبيعية تكون حالات يا اخي غريبة بحال داكيشي ديا هادوك اليوغا ودوك الهنود وداك التخريق را داكيشي لي منتشر في أمريكا بالضبط كاين اشكال متعددة كيتلبوس كيتلبوس بالجن المهم مكتكونش حالات طبيعية بحال داها الهنود واحد الهندي حرق راسو الشارع العام في نيودله حرق راسو - 00:37:39

كيدير العبادة كيكون مليوس بالشيطان لعنه الله. تنسد فيه العافية ويخرج من الجن ويخللي باباه يتقطع بها. تا يكون قدام مزيان ويخرج ويخلليه. ما كتكونش الحالات الطبيعية باختصار جميع حالات الانتحار مكتكونش حالات طبيعية اطلاقاً كتكون حالات غير عادية ماشي طبيعية كيكون بنادم خرج من الطبيعة البشرية ديا لو - 00:37:59

استشهاد هداك عاود حالة خرى الانسان عاود كترفع الروح لواحد الدرجة كتغلب البدن فكيولي بنادم غالب المال الآخروي وكيكون عندو يقين باليمان بأنه حرارة الموت والانتقال داكيشي ادوز يعني ببساطة في الحديث لا يوجد الشاهد من الموت الا كما يوجد احدكم من لسع النحله او قرص النحله او كما قال عليه الصلاة والسلام والله اعلم على كل هذا كيكون واحد الاعداد - 00:38:17

نفسى معين ايه صحيح كافر كافر غير هو هاد كافر ما كان فهو هش هنا المسلمين ما كان فهو هش واش هي كافر كافر يعني بالنسبة للتصنيف الاجتماعي ديا لها ماشي هو التصنيف الدينى ديا لها فالمسىحي كيقول المسلم كافر تا هنا را هنا كفار بالنسبة ليهم - 00:38:43

واليهود بالنسبة لهم هنا كفار وهم بالنسبة لينا هنا كفار الى اخره اش هو الكفر؟ الكفر هو الإنكار هذا هو المعنى ديا لو في العربية كفر الشيء غطاه نكره فهو كفار يكفرون بالله بدراكيشي لي ورد لينا هنا ويكفرون بمحمد عليه الصلاة والسلام مكيناً منوش بأنه نبي لأنه لا امن بأنه نبي مبقاش كدا - 00:38:59

كيتسمى ديك الساعة تا ايلا كان عوج سكاييري مخربق كتقولو فاسق متقولوش كافر معنكش الحق مادام اي واحد كيقول لا الله الا الله محمد رسول الله يدير لي بغا راه مسلم معنكش الحق تكفرو نهايَا فاسد - 00:39:19

قل فيه اللي بغيت واخا ما يديرش اركان الإسلام مادام كيدير وحدة هي لا الله الا الله محمد رسول الله ما يصلى ما يذكر ما يصوم ما يحج ويدير الموبقات كاملين مسلم لا يكفر مسلم الا باحدى ثلاث هادي في القواعد ديا التكفير ان يصرح بالكفر والكلمات - 00:39:33

كتقولو الله يريح يعني هو بغها الله يهنيه ما عندك ما دير لو ان يصرح بالكفر او ان ينكر معلوماً من الدين بالضرورة. اش هو الإنكار المعلوم من الدين بالضرورة؟ يقول لك اودي الصلاة ما كايناش في الإسلام. ماشي ما كيصليش. فرق بيناتهم ما كيصليش وكيفقول - 00:39:49

الصلاه الإسلام فيه الصلاه ولكن مانصليش ماشي كافر ولكن نقولك الصلاه او دي ما كايناش قاع غي نتوما زدتوها ينكرها اه هادا كافر انكار فرق بين الإنكار اذا انكر فهو كافر اذا لم ينكر ولكن هو معكاز كسان عاجبنيو البسالات هداك فاسق صافي متقولوش كبير ان ينكر - 00:40:04

معلومات من الدين بالضرورة الثالثة والأخيرة ان يقول قوله لا يفعل فعلاً لا يأول الا بالكفر يدير شي هوا ما هضرشى ولكن كي يدير شي بسالات اللي كا تعطيك اليقين بأنه كافر - 00:40:24

بحالاش مثلاً الفعل ديا السحرة الصحرا الصلاح من الشروط ديالهم انهم كيتكرفصو على المصحف يتبولون عليه اعزكم الله ولا يدير فيه شي فضيحة هذا فعل هذا دار واحد واخا يقول لا الله الا الله محمد رسول الله عشرين الف مرة. هذا كافر. ان يفعل فعلاً او يقول قوله لا يأول الا بالكفر. اما الفعل ديا لو - 00:40:39

قول شي كلام عاود غليض قدو قداش كبيان لك هاد الكلام هذا ديا الكفار ماشي ديا المسلمين وما عدا ذلك فهو مسلم وان كان

فاسقا او عاصيا يعني يدير لي بغا راه مسلم - 00:40:58

واحد الحديث سبحان الله العظيم هاد الصباح قريتو. كل الناس فريقان فريق في الجنة وفريق في النار الا امتى فكلهم في الجنة. سبحان الله العظيم. الحديث ولكن ماشي المعنى ديالو زعما راه كلشي في الجنة يدخلو في البداية لا كاين لي غيدوز نهار يومين شهر عام نطلب الله العافية ويعاود يدخل للجنة هذا المعنى ديالو يعني المآل - 00:41:10

المآل ديال الأمة الإسلامية فنهاية المطاف كلشي يرجع للجنة تا واحد ما يبقى فجهنم ان شاء الله الرحمن الرحيم السلام عليكم ولكن راغي دقيقة فيها الله ينجينا وينجيكم راه يعني مصيبة وصافي - 00:41:30

ان يوما عند ربك كالصلوة مما تدعون لي دوزو فيها هاد النهار زعماانا دوز فيها خمسية عام فنهار جهنم الله ينجينا وينجيكم اللي ما تشبه لها نار الدنيا لا من قليل ولا من كثير - 00:41:42

يدخلنا للجنة برحمتو ما نشمها ما ندزو عليها وما كفار زعما باش نكمك هاد القضية الكفار ولا عندها واحد في الاجتماع يعني ولا عندها معنى قبحي وهي معندهاش معنى قدحي بالضبط هي معنى عندها معنى مفهوم للتصنيف - 00:41:53

كثير بحالا قلتلو نصراني بحال لقدر الدين قالوا ان الله ثالث ثلاثة هما النصارى اذن كافر يعني واحد الصنف اخر من غير المسلمين كافر ماسبتوش الى قلتلو السكافير راك ماكتسبوش - 00:42:07

ماشي معنى كتسبيو ولا شي حاجة مع الأسف المفاهيم الدينية بزاف يعني عدم التداول ديالها خلاها اما تحرفت بادات مشوهة او انها مبقاتش عندها معنى مزيان بحال هاد دابا المصريين نايضة عندهم واحد الضجة كبيرة عالاش؟ لأنهم كاين بعضهم اللي كينادي باش يعني يتكلموا مع النصارى ديالهم بأنهم هلو ذمة هم النصارى واليهود - 00:42:20

المجتمع الإسلامي اهل ذمة هاد اهل ذمة كتجي زعما عندهم شي حاجة اللي قبيحة هادو كالو الذمة وهي ماشي قبيحة بالعكس بالعكس تماما يعني عندها معنى مخير كاع يعني هنا - 00:42:40

المغاربة عندنا ديك الذمة عندها معنى ايجابي المصريين لا الذمة كتقول هادي على مذمتى هادي هي زعما راني ضامنها هادوك اهل الذمة راهم مضمونين تا واحد ما يمسهم راه المسلمين اللي قاسهم اللي قتلولهم اللي سرق لهم شي حاجة يعني عبارة ديال التكريم والتعزيز والحماية والكفر المهم ما دايراش لك مثال بأن - 00:42:50

عدم التداول ديالها واما تداولت بواحد الشكل او مبقاتش كتداول تا ولات يعني المعنى ديالها مشى فخطرة ولا تحرر ف المعنى ديالها كفر تصنيف من كفر والله اعلم وبينهم الشرفا من التركدة فقد كفر هذا الترك لا ما اولو الحديث قالو اودي من تركها فقد كفر اي شاب الكفار في - 00:43:10

ماشي كفر عقيدة هذا اجماع بين الأئمة كاملين ابو حنيفة ومالك والشافعي واحمد بن حنبل على عدم تكفير تارك الصلاة فيها نقاش طويل وكاين بعض هاد الزمان دابا لي يكفرو تارك الصلاة وكيفهمو غير الحرافية ديال الحديث مكيفهemos المقصد الشرعي - 00:43:30

هذا مخالف لأصول التكفير. والله اعلم. الزكاة ا سيدى العلماء درسو واش تعطى ليهودي ولا ما تعطاش اليهودي؟ فما بالك المسلم؟ لا اطلاقا. الله تعالى الفقرا والمساكين ما قلتش المسلمين اطلاقا العاملين عليها المؤلفات قلوب شكون هما المؤلفات قلوبهم؟ المؤلفات قلوبهم هو لي عاد سلمو باقين واقيلا - 00:43:48

باقين باغين يرجعوا للكفر ديالهم يعني الدين ديالهم غير شوية هادوك هما المؤلفات النبي صلى الله عليه وسلم كان كيدور معاهم باش يقاوم مسلمين يعني هدا مسلم لارب وكتعطالو الزكا لا بالعكس تماما منطق الدين كلو ضد - 00:44:08

الكلام هذا عطى الزكا لأي واحد كيقول لا الله الا الله محمد رسول الله زين ما مزيانش اللهم سمحلي ايلا نتا كتعرفو كتعرفو مزيان بأنه انسان غادي تعطيه دوك الفلوس وغادي يصرفهم في الباطل والحرام والمنكر ماتعطيهمش - 00:44:21

واحد السكاييري ما فيه ما يتشاف عطيهم لوليداتهم ما تعطيهملوش ولكن ايلا ما عارف حد غمض عينيك وعطي في سبيل الله ما فيها غير الخير ولايني شاد الدين احد الا غلبه - 00:44:38

المغضوب عليهم ولا الضالين ايوا اسيدي هادي مسألة كترجع للتاريخ ديار اليهودية وتاريخ النصرانية ماشي دابا معندهاش علاقة بدبا دابا عندها علاقة بدبا متفاقيين ولكن باعتبار ان هاد العصر هادا هو امتداد للأصل ديار اليهودية والأصل ديار النصرانية اليهود كانوا كيشفوا ايات الله تعالى وكينكروها - [00:44:48](#)

كيتعاندو مع ربى تعالى. يعرفون الحق معرفة اليقين وينكروه. سيدنا موسى قالهم دبحو بقرة عارفين بأن الله تعالى قالهم دبحو بقرة قالوا لو كيدايرة قال لهم اودي راه ما صغيرة ما كبيرة عاود قالوا لو اللون ديالها قال لهم اودي راه اللون ديالها صفر ناصح عاود قالوا لو كيدايرة بقاو - [00:45:08](#)

حنينو ربى جعلك يزيد يمحنهم فكانو كيديرو الحيلة مع الله تعالى كانوا خبتا قالهم متتصيدوش نهار السبت رماو الشباك نهار الجمعة كيجمعوهم نهار الحد كيصدقون مصيدين نهار السبت كيديرو الحيلة مع الله بحال الله ماكيشوفش سبحانه تعالى غير هاد ليامات شي يومين هادي شفت في التلفزيون واحد حاخام كبير ديار ليهود ديار هاد الزمان اصلو قالك عراقي - [00:45:28](#)

كلهم ان الله تعالى راه ندم لي خلق العرب. واشوفي هداك الويل هداك الخنزير. جايبيتو فديك الهم الاداعة ديار الجزيرة مع الاسف. قالك الله تعالى ندم ملي خلق عرب ورا كيتأسف انه خلق العرب. تمنى تمنى بهاد العبارة انه ما خلقوش. تمنى لو لم يخلقهم - [00:45:48](#)

الله جعلها كيندم عليها فهادو سبحانه وتعالي زعما بحالا غلط ملي خلق العرب. يهود يهود يعني مجرمين ولاد الحرام زعما ولذلك غضب الله عليه ولعنهم ثم كانوا كيقتلوا الأنبياء دياولهم عدد ديار الأنبياء قتلوا اليهود مقتلوش المسيح طبعا بغاو يقتلوه ولكن مشدوهش شدو واحد اخر شبه ليهم قتلوه ولكن قتلوا زكريا النبي قتلو - [00:46:07](#)

قتلوا يحيى قتلوا يونس بن متنه ايه قتلوه فنهاية المطاف قتلوه عداد ديار الأنبياء وقتلون النبيين بغير الحق قتلوا انبياء بزاف فالجرائم ديارهم ما عندها اعداد ولا حساب فإذا هذا الأصل ديار الغضب غضب الله تعالى غضب عليهم بكري من النشأة - [00:46:27](#) وامتد الغضب الى الان ما عندهوش علاقة بهاد العصر بمعنى انه ماشي عاد دابا داكشي امتداد قديم والنصاري تلفوا هداكشي هادي هي المعنى ديار ضلو ولكن ماشي معندها دباد هوما ضالين دبا ولكن البدية بكري تلفوا لأنه المسيح عليه السلام سيدنا عيسى جاب ليهم الإنجيل لي هو كتاب الله - [00:46:44](#)

الله ديار ديك الزمان وقراه لهم ولكن وهداكشي من قدر الله عز وجل الصحابة دياولو دياولو سيدنا عيسى لي كيتسماو الحواريين هاديوك الإنجيل وكانت ديك الساعة الوسائل ديار الكتابة ماشي بحال الزمن لي جا من بعد ولكن النقل ديارهم مكانش مضبوط مزيان كانوا كينقلو الكلام - [00:47:04](#)

معنى ماشي بالحرف ترفع المسيح عليه السلام الى السماء رفعوا الله تعالى والنصاري تلفوا كيقلبوا على الانجيل ما لقاوه لقاوه هادا عندو انجيل فشكل وهاد الحواري يعني صحابي عندو انجيل فشكل هدا عندو انجيل فشكل كل واحد عندو انجيل فشكل ولو كيقرأو وكيزيدو من راسهم كيقرأ كيزيد من راسو - [00:47:24](#)

وتلفوا فظلوا واضلوا تلفوا ولذلك سبحان الله العظيم لما كتجيب الدعوة الاسلامية فهاد الزمان ليهود مكيسلموش الا على الندود الشديد جدا والنصاري فكتير من الأحوال كيسلموا لأن النصراني غي تالف ايلا عرف الحق وعرفو مزيان فغالب الأحوال - [00:47:44](#) الله تعالى الا الى ربى تعالى كتب عليه الكفر كيبيق فالكفر ديالو والله اعلم سبحانك الله وبحمدك نشهد ان لا الله الا انت نستغفك ونتوب اليك عملنا سوءا وظلمتنا انفسنا فاغفر لنا فانه لا يغفر الذنب الا انت - [00:48:04](#) سبحان ربك رب العزة عما يصفون وسلام على المرسلين والحمد لله - [00:48:15](#)